

# INUIT ATAQATIGIIT

## INATSISARTUNI



Aasiaat 13. juli 2016

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Ilumoorpa soraarnerussutisiallit pissakinnerillu ukiumut 180.000.kr-nit sinnilaarlugit ukiumut isertitaqarsimagunik taava nammineq inigisaminnut - illuminnut aserfallatsaaliinissamut 150.000 kr.-it tungaanut tapiiffigitissinnaaneq atorunnaartartoq?**
  - a. Taamaassimappat sumik tamanna pissuteqarpa aamma qanga sumilu aaliangiiffigineqarpa?**
  - b. Ukiumut 180.000.kr sinnilaarlugit isertitaqartartunut, soorlu 183.000.kr-nik ukiumut isertitaqartartut tapiiffigineqarsinnaangorniartugit naalakkersuisut qanoq pilersaaruteqarpat?**

(Inatsisartuni ilaasortaq Peter Olsen, Inuit Ataqatigiit)

### **Tunggavilersuut:**

Naluneqanngitsutut inatsisartuni aaliangiiffigineqarnikuuvoq soraarnerussutisiallit pissakinnerit nammineq inigisaminniittut illuminnut 150.000 kr.-it tungaanut aserfallatsaaliinissanut tapiiffigineqarsinnaasut.

Taamaakkaluartoq ulluni kingullerni saaffiginnittoqartalerpoq naammagittaalliortunik. Naammagittaalliornermut tunggaviulluni qinnuteqaraluarluni itigartinneqartarneq.

Itigartitsinermut tunggavilersuutigineqarsimalluni qinnuteqartunngooq ukiumut 180.000.kr sinnilaarlugit isertittarmagit. Tapiissuteqarsinnaaneroq taamaallat atuutsinneqarsimammat ukiumut annerpaamik 180.000.kr-nik isertitaqartartunut.

Qinnuteqarsimagaluartut arlaliupput soorlu ukiumut 181.000.kr-niit 183.000.kr-it akornanni tikillugit isertitaqartartunut.

Paaserusuppara soq taamaallaat 1.000.kr-niit 3.000.kr-nut amerlavallaalaartunik ukiumut isertitaqarsimaneq itigartitsinissamut tunggaviussanersoq aammalu paaserusuppara tapiiffigineqassagaanni ukiumut annerpaamik 180.000.kr-nik isertitaqarsimanissamik piumasagaat sumik tunggaveqarnersoq.

Kissaatigaaralu apeqqutima ullut qulit iluanni akineqassasoq.